

Paveiziejēms

Puo pērmo

Vuo dabā veizo aš i žmuogo –
Pondēiva tvarini nuogniausi –
I mēslējo, kor ta linksmībē
Anuo kavuojēs?..
Je! Klausēms rimts i na tēp grētā
Gali soprastē, rēk dainuos...

Liūdnoms arba zlastēs

Vuo dūšē sospausta kāp debesēs priš līto
I tēik anuo daug žaibū sosēspētē,
Ka, ruoduos, nabie kon i badarītē,
I šiamē svietē čīstā nabie vēitas.
Juk atmini, Tau irgi tuokiū dēinū liuob būtē,
Ka balēikt rinktēis – vērstē ugnim žaiba
Aba vielek uždainioutē.

Džiaugsmos

Vo kor dabā tēp skubi,
Kuo tuoks veids surūgēs...
Rasintās nabatmini esonts
džiaugsmou gēmēs.
Veiziek – kėkvėina naujē dėina
Tavi vadēn mīlietē, dā tikietē i pažintē,
Dalintēis tou, kon turi.
Juk kumet dalinīs –
Tau parēn dvėgobā, vuo kumet savėj turi –
I tas pats su laiko nabteik džiaugsma...

Kāp šėrdēs plaktē, plautē uora kvieptē,
Kāp kuojēs ētē, vo ronkelēs jimtē,
Tāp dūšē džiaugtēis gėmusi –
Tāp kāp paukštīelis skrēstē i gėiduotē.

Dā veizo

I vielėk veizo aš i žmuogo –
Pondēiva tvarini nuogniausi...
I jau žėnau, i junto, ka i ukata,
i išmintēs, dā i linksmībē –
vėskas telp tuo patiuo, vėinuo,
dėdėlē turtinguo anuo dūšiuo.

Dā mēslējo, kuo dūšē žmuogaus rēk,
ka ana kontėna i linksma būtē galiptom.

Pasèrokoutè rēk i padainioutè su geriausēs sava prietelēs;
rēk akiūn paveiziejēma, rēk šēlta žuodē, gera patarēma...
Sakau – rēk žmuogou žmuogaus, draugou drauga,
rēk dūšē dūšēs artēmuos...